

ქალაქი ბათუმი

02 მარტი 2023 წელი

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის მოვალეობის შემსრულებლის ჯემალ სურმანძის სახით და მეორე მხრივ, შპს „მეგა შოპი“ (შემდგომში „მიმწოდებელი“) წარმოდგენილი დირექტორის დავით ჩადუნელის მინდობილი პირი სერმან მურჯიკნელის (მინდობილობა N120955486, რეგისტრაციის თარიღი: 07.09.2012წ.) სახით, „სახელმწიფო შესყიდვების შესახებ“ საქართველოს კანონის და ელექტრონული ტენდერის (NAT230002823) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;

2. ხელშეკრულების საგანი

- 2.1. ხელშეკრულების საგანია პროგრამის „საჯარო სკოლების საპანსიონო მომსახურების, გაძლიერებული (ფიზიკა-მათემატიკა) და ინკლუზიური სწავლების ხელშეწყობა“ ქვეპროგრამა „ინკლუზიური განათლების დანერგვის ხელშეწყობა აჭარის საჯარო სკოლებში“ ფარგლებში სსიპ დაბა ხულოსა და სსიპ თეიმურაზ ჯორბენაძის სახელობის ქობულეთის N3 საჯარო სკოლების ინკლუზიური განათლების ცენტრებისათვის საკანცელარიო რესურსების შესყიდვა (CPV – 30190000; 30192000; 30192100; 30192121; 30192125; 30192130; 30192133; 30193000; 30197100; 30197110; 30197120; 30197310; 30197630; 30199410; 30199720) (შემდგომში - შესყიდვის ობიექტი და/ან მომსახურება).
- 2.2. გასაწევი მომსახურების აღწერილობა მოცემულია დანართი N1-ში (ფასების ცხრილი), რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს 1 395 (ერთი ათას სამას ოთხმოცდათხუთმეტი) ლარს.
- 3.2. ხელშეკრულების ღირებულება მოიცავს საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. საქონლის მიწოდების პირობები

- 4.1. საქონლის მიწოდება მიმწოდებელმა უნდა განახორციელოს ხელშეკრულების დადებიდან 30 კალენდარული დღის ვადაში.
- 4.2. საქონლის მიწოდებას მიმწოდებელი უზრუნველყოფს საკუთარი ხარჯებით.
- 4.3. მიმწოდებელმა საქონლის მოწოდება უნდა უზრუნველყოს შემდეგ მისამართებზე:
 - სსიპ ვახტანგ პაპუნძის სახელობის დაბა ქედას საჯარო სკოლა (ქედას მუნიციპალიტეტი, დაბა ქედა, წერეთლის ქ. N4).
 - სსიპ თეიმურაზ ჯორბენაძის სახელობის ქობულეთის N3 საჯარო სკოლა (ქ.ქობულეთი, რუსთაველის ქ. N 168)

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით

გათვალისწინებულ საბანკო რეკვიზიტებზე, ეროვნულ ვალუტაში.

5.2. ანგარიშსწორება ხორციელდება საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.

5.3. საავანსო ანგარიშსწორება არ გამოიყენება.

6. გარანტია

6.1. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.

6.2. მიწოდებულ საქონელზე ვრცელდება 2 (ორი) წლიანი საგარანტიო ვადა მიღება-ჩაბარების აქტის გაფორმების მომენტიდან.

6.3. 6.1. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

6.4. მიმწოდებელი ვალდებულია განახორციელოს უზარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

7.2. ხელშეკრულების შესრულების კონტროლს ახორციელებენ: აჭარის ავტონომიური რესპუბლიკის განათლების, კულტურისა და სპორტის სამინისტროს განათლების დეპარტამენტის უფროსი ნაზიბროლა ბერიძე გაბაიძე, სკოლამდელი და ზოგადი განათლების განყოფილების უფროსი შუშანა სურმანიძე, ამავე განყოფილების მეორე კატეგორიის უფროსი სპეციალისტი მაია ქონიაძე და შესაბამისი საჯარო სკოლების დირექტორები.

7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა;ბ,დ;ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი

კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.

ე) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. ხელშეკრულება ძალაში შედის მხარეების მიერ ხელმოწერის დღიდან.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

13.5. ხელშეკრულება ხელმოწერილია, შტამპდასმულია ელექტრონული ფორმით.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2023 წლის 30 ივნისამდე.

15. მხარეთა რეკვიზიტები

შემსყიდველი:

მიმწოდებელი:

აჭარის ა.რ. განათლების, კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245 427 667

შპს „მეგა შოპი“
საქართველო, ახალციხე
ნიკოლაძის ქუჩა N39
ს/კ 400058085
სს „საქართველოს ბანკი“
მფო BAGAGE22
ა/ნ GE91BG0000000857045000

მინისტრის მოვალეობის შემსრულებელი

დირექტორის მინდობილი პირი

ჯემალ სურმანიძე

სერმან მურჯიკნელი

N	საქონლის დასახელება	მახასიათებელი	განზომილება	რაოდენობა	მწარმოებელი კომპანია/მოდელი (არსებობს შემთხვევაში)	ერთეულის ფასი	ღირებულება
1	ვატმანის ფურცლები	ზომა A1	ცალი	100	ჩინეთი/Nevia/A1	1.3	130
2	საშლელი	ფანქრით შესრულებული კონტურული ნამუშევრების წასამლელად	ცალი	50	ჩინეთი/Memoris/MF1512	0.2	10
3	საკანცელარიო დანა	საკანცელარიო დანა	ცალი	24	ჩინეთი/memoris/MF1145A	0.55	13.2
4	ჭიკარტები 20 ცალიანი	ფერადი ჭიკარტი პლასტმასის თავებით	შეკვრა	10	ჩინეთი/DINGLI/DL833	0.5	5
5	კალამი	საწერი კალამი, ლურჯი.	ცალი	200	ინდოეთი/Orion/118	0.2	40
6	თაბახის ფურცლები	A4 ფორმატის ქაღალდი. შეკვრაში 500 ფურცელი.	შეკვრა	20	ფინეთი/Ballet/a4	11.5	230
7	მარკერი	ფერადი ტექსტმარკერი. შეფუთვაში: 5 ც	შეკვრა	24	ჩინეთი/deko/HL6572	2.6	62.4
8	ხის საანგარიშო	ოთხკუთხა ჩარჩო, რომელშიც გარდიგარდმო ჩასმულ ღეროებზე მოძრავი კოჭები ახსმული	ცალი	6	ჩინეთი/YIWU PINGPENG EXPORTS CO.LTD/ RS-3089	10.5	63
9	ფერადი ფანქრები	ფერების რაოდენობა 24	შეკვრა	10	ჩინეთი/JOHNSHEN/MP5561 3	7.5	75
10	ხის სათვლელი ჩხირები	ხის ჩხირები-არანაკლებ 30 ცალი განკუთვნილი საანგარიშოდ	შეკვრა	6	ჩინეთი/Foska/GY2005	9.5	57
11	საკანცელარიო თარო	მეტალი. თაროს რაოდენობა 3 - განლაგებით A4 ფორმატის დოკუმენტების მოსათავსებელი	ცალი	6	ჩინეთი/JM TOOL/ HN2001	21.5	129
12	საკანცელარიო სამაგრი აქსესუარების სეტი	სხვადასხვა სამაგრი ნივთებისაგან შემდგარი სეტი - სკრები, ჭიკარტი, კლიპსი	შეკვრა	4	ჩინეთი/DINGLI/DL28MM DL121 DL0004	2.2	8.8
13	ჩასანიშნი ფურცლების ჩასადები	ჩასანიშნი ფურცლების ჩასადები - მეტალის. ფერი - შავი	ცალი	6	ჩინეთი/JM TOOL/HN701B	4	24

14	ჩასანიშნი ფურცლები	ფერადი - შეკვრაში 250 ცალი. არაწებოვანი ზედაპირით	შეკვრა	20	ჩინეთი/Vega/VGLD10	2.7	54
15	ჩასანიშნი წებოვანი ფურცლები	ფერადი ჩასანიშნი ფურცლები წებოვანი ზედაპირით, შეკვრაში 100 ცალი	შეკვრა	20	ჩინეთი/QING CHENG/ SN-654	0.8	16
16	სათლელი	ორი განყოფილებით სხვადასხვა ზომის ფანქრის გასათლელად	ცალი	24	ჩინეთი/Memoris/MF1413	0.4	9.6
17	ორგანიზერი	მაგიდის ორგანიზერი არანაკლებ 9 განყოფილებით	ცალი	6	ჩინეთი/DINGLI/A903	12	72
18	ფერადი ქაღალდების ნაკრები	შეკვრაში 100 ცალი სხვადასხვა ფერის A4 ფორმატი	შეკვრა	20	ჩინეთი/Maxleaf/DC202	13.83	276.6
19	სტეპლერი	არანაკლებ 16 ფურცლიანი, მეტალის კორპუსით, იხსნება 180 გრადუსამდე	ცალი	6	ჩინეთი/DINGLI/DL-306	4.8	28.8
20	ტყვიები	სტეპლერის შესაბამისი ზომის ტყვიები	შეკვრა	24	ჩინეთი/DINGLI/DL2222	0.6	14.4
21	ხის ფერადი სარკები	მასალა - ხე	შეკვრა	6	ჩინეთი/Sunfull/SF73927	3.5	21
22	ფანქრების მოსათავსებელი საკანცელარიო ჭიქა	მასალა: მეტალი	ცალი	24	ჩინეთი/JM TOOL/HN802	2.3	55.2
						ჯამი:	1395

სანოტარო მოქმედების ინდივიდუალური ნომერი



96643687290512

საქართველო



სანოტარო მოქმედების დასახელება
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N120955486



რეგისტრაციის თარიღი

07.09.2012 წ

ნოტარიუსი: ცისანა ნათენაძე
მისამართი: ქ. ახალციხე, მებაღეშვილის ქ:N65
ტელეფონი: 22-04-28

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: www.notary.ge
ასევე შეგიძლიათ დარეკოთ ტელეფონზე: +995(32) 2 66 19 18

ს ა ნ ო ტ ა რ ო ა ქ ტ ი

საქართველო

ორი ათას თორმეტი წლის შვიდ სექტემბერს, მე ნოტარიუს ცისანა ნათენაძეს, რომლის სანოტარო ბიურო მდებარეობს მისამართზე: ქ.ახალციხე, მეზაღიშვილის ქ.№65 მომმართა დავით ჩადუნელმა, რომელსაც სურს მინდობილობის ტექსტის შედგენა და სანოტარო წესით დამოწმება. მე შევამოწმე დავით ჩადუნელის პირადობა მის მიერ წარმოდგენილი პირადობის დამადასტურებელი საბუთით და ვადასტურებ, რომ მის ქმედუნარიანობაში ეჭვის შეტანის საფუძველი არ არსებობს. შემდეგ დავადგინე მისი ნების გამოვლენის ნამდვილობა და შევადგინე მინდობილობა. ეს მინდობილობა მე წავუკითხე დავით ჩადუნელს, რომელმაც განაცხადა, რომ მინდობილობა ზუსტად გამოხატავს მის ნებას და ჩემი თანდასწრებით პირადად მოაწერა ხელი შემდეგ მინდობილობას.

მ ი ნ დ ო ბ ი ლ ო ბ ა

ორი ათას თორმეტი წლის შვიდ სექტემბერს, დავით ჩადუნელი (დაბადებული 14.03.1965წელს, დაბადების ადგილი—ბორჯომი, პირადობის დამადასტურებელი საბუთი — პ/მოწმობა №დ 1357757 პირადი №11001022489 გაცემული სრს ბორჯომის სამსახურის მიერ 10.03.2010წელს, მოქმედების ვადა-10.03.2020, მისამართი-ბორჯომი დ. ახალდაბა შ. რუსთაველის ქ № 104), რომელიც შემდეგი მოხსენიებულია, როგორც „მინდობი“, ამ მინდობილობით სრულ უფლებას აძლევს სერმან მურჯიკნელს (დაბადებული 01.01.1982წელს, დაბადების ადგილი—ახალქალაქი, პირადობის დამადასტურებელი საბუთი —პ/მოწმობა №დ 1241343 პირადი №07001004756 გაცემული სრს ახალქალაქის სამსახურის მიერ 21.04.2009წელს, მოქმედების ვადა- 21.04.2019 მისამართი: ახალქალაქი. ს. ბარაღეთი), რომელიც შემდეგი მოხსენიებულია, როგორც „მინდობილი პირი“, რათა მან შპს „მეგა შოპის“ დირექტორის დავით ჩადუნელის ნაცვლად გახსნას ბანკში (ბანკებში) ანგარიში, შეასრულოს ნებისმიერი საბანკო ოპერაცია, კერძოდ განახორციელოს გადარიცხვა, განაღდება და კონვერტაცია, ნებისმიერი ბანკის ნებისმიერ ფილიალში, განახორციელოს მუდმივი საგადასახადო დავალების მართვა, გადარიცხოს დღგ, აწარმოოს დეკლარაცია და საგადასახადო დოკუმენტაცია მოაწეროს ხელი ყველა საჭირო საბუთს მის მაგივრად, შეასრულოს ნებისმიერი მოქმედება და საქართველოს კანონმდებლობით დადგენილი ნებისმიერი პროცედურა, რაც საჭირო იქნება მინიჭებული უფლებამოსილების განხორციელებისათვის.

სერმან მურჯიკნელს უფლებამოსილის იყოს შპს „მეგა შოპის“ დირექტორის დავით ჩადუნელის წარმომადგენელი შესაბამის სახელმწიფო და ადმინისტრაციულ დაწესებულებასა და ორგანიზაციაში, ფიზიკურ და იურიდიულ პირებთან ურთიერთობაში, მათ შორის საგადასახადო ინსპექციაში, შემოსავლების სამსახურში, შეასრულოს ყველა საბანკო ოპერაცია და ხელი მოაწეროს ყველა საჭირო საბუთს მის მაგივრად, რაც აუცილებელი გახდება ამ დავალების შესასრულებლად.

მინდობილობა გაცემულია განუსაზღვრელი ვადით და ძალაშია გაუქმებამდე.

გადახდილია ნოტარიუსის საზღაური — ათი (10) ლარი თანახმად, საქართველოს მთავრობის სანოტარო მოქმედებათა შესრულების საზღაურისა და საქართველოს ნოტარიუსთა პალატისთვის დადგენილი საფასურის ოდენობების, მათი გადახდევინების წესისა და მომსახურების ვადების დამტკიცების შესახებ, №507 დადგენილების 31 მუხლისა და ორი (2) ლარი სანოტარო მოქმედების რეგისტრაციის საფასური, თანახმად საქართველოს ნოტარიუსთა პალატისთვის დადგენილი საფასურის ოდენობების, მათი გადახდევინების წესისა და მომსახურების ვადების დამტკიცების შესახებ, №507 დადგენილების 39 მუხლისა.

მიმნდობი

დავით ჩადუნელი

ნოტარიუს:



/ ც. ნათენაძე /